

Ո Ր Ո Շ ՈՒ Մ N 238
Վարչական տույժ նշանակելու մասին

«05» հունիսի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով ԻԻՀ քաղաքացի Սաֆայել Պակդելի (անձնագիր՝ I58457413, հասցե՝ ԻԻՀ, ք. Պարսաբադ) կողմից մաքսային կանոնների խախտում կատարելու վերաբերյալ նյութերը,

ՊԱՐԶԵՑԻ

2023 թվականի ապրիլի 04-ին ԻԻՀ քաղաքացի Սաֆայել Պակդելը իր կողմից շահագործվող «SCANIA» մակնիշի, 43AA437/8 պետհամարանիշի բեռնատարով ԻԻՀ-ից մուտք է գործել ՀՀ: Մաքսային հսկողության ընթացքում (S/< 05100041/040423/0013947) բաքի ստուգաչափմամբ պարզվել է, որ վերոնշյալ բեռնատարի բաքում առկա է եղել 700 լիտր դիզելային վառելիք: ՀՀ-ում գտնվելու ժամանակահատվածում «SCANIA» մակնիշի, 43AA437/8 պետհամարանիշի բեռնատարի ծախսը կազմել է 600 լիտր և 07.04"2023 թվականի ստուգաչափելիս բաքում պետք է առկա լիներ 100 լիտր դիզելային վառելիք, որով բեռնատարի վարորդ ԻԻՀ քաղաքացի Սաֆայել Պակդելը պարտավոր էր ՀՀ-ից մուտք գործել ԻԻՀ: ՀՀ-ից հետ վերադառնալիս ՀՄՎ Մեղրիի մաքսային կետ-բաժնում բաքի ստուգաչափմամբ պարզվել է, որ բաքի մնացորդը 100 լիտրի փոխարեն կազմում է 50 լիտր:

Նշված փաստի առթիվ ԻԻՀ քաղաքացի Սաֆայել Պակդելի նկատմամբ Հայաստանի Հանրապետության պետական եկամուտների կոմիտեի Հարավային մաքսատուն-վարչության Մեղրիի մաքսային կետ-բաժնի 1-ին բաժանմունքի մաքսային տեսուչի կողմից 07.04.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 308-րդ հոդվածի հատկանիշներով, այն է՝ առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը:

Վարչական վարույթի շրջանակներում հանձնված, օտարված ոչնչացված կամ կորցված ապրանքի մաքսային արժեքը և մաքսային վճարների չափերը պարզելու

նպատակով՝ թիվ 210 մտից համարի զեկուցագրով հարցում է կատարվել ՀՄԿ համապատասխան ստորաբաժանմանը:

ՀՄԿ մաքսային գործառնությունների բաժնի թիվ 553 տեղեկանքի համաձայն՝ 07.04.2023 թվականի դրությամբ 50 լիտր դիզելային վառելիքի մաքսային արժեքը կկազմեր **17158 ՀՀ դրամ**, իսկ մաքսային վճարները՝ 5513 ՀՀ դրամ, նույն տեղեկանքի համաձայն ԵՏՀ 18.10.2011 թվականի թիվ 826 որոշմամբ դիզելային վառելիքի նկատմամբ կիրառվում են ոչ սակագնային կարգավորման միջոցներ:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

«Մաքսային կարգավորման մասին» ՀՀ օրենքի 308-րդ հոդվածի 1-ին մասի համաձայն՝ «Առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը (բացառությամբ ֆիզիկական անձանց կողմից անձնական օգտագործման տրանսպորտային միջոցները հանձնելու դեպքի), օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը՝ **առաջացնում է տուգանք՝ այդ ապրանքների և տրանսպորտային միջոցների մաքսային արժեքի երեսուն տոկոսի չափով**»:

Քաղաքացի Սաֆայել Պակդելի ԻԻՀ, ք.Պարսաբադ հասցեին ուղարկվել է գործի քննության վերաբերյալ ծանուցագիր, սակայն հետադարձ ծանուցումը կամ չստացված ծրարը փոստային ծառայության կողմից հետ չի վերադարձվել:

ԻԻՀ քաղաքացի Սաֆայել Պակդելի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության

ծառայությանը, իսկ ԻԻՀ քաղաքացի Սաֆայել Պակդելի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն քաղաքացի Սաֆայել Պակդելի հաշվառման վայրի վերաբերյալ տվյալներ առկա չէ:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Սաֆայել Պակդելի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

Քաղաքացի Սաֆայել Պակդելի սահմանահատումների պատմությունը ստանալու նպատակով՝ 05.06.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Սաֆայել Պակդելը 07.04.2023 թվականին ժամը 15:51-ին Ագարակ պետական սահմանի անցման կետով անցել է ԻԻՀ:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական վարույթի նյութերի ուսումնասիրությունից պարզվում է, որ ԻԻՀ քաղաքացի Սաֆայել Պակդելի մաքսային հսկողության ներքո փոխադրվող ապրանքի մի մասը՝ 50 լիտր դիզելային վառելիքը, հանձնել, օտարել, ոչնչացրել կամ կորցրել է:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 308-րդ, 301-րդ, 332-րդ, 334-րդ հոդվածի 1-ին մասի 1-ին կետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Քաղաքացի Սաֆայել Պակդելին «Մաքսային կարգավորման մասին» ՀՀ օրենքի 308-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **5150 ՀՀ դրամ**:
2. Որոշման մասին հայտնել քաղաքացի Սաֆայել Պակդելին:
3. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն «Մաքսային կարգավորման մասին» ՀՀ օրենքի 334-րդ հոդվածի 4-րդ մասի վարչական տույժ նշանակելու մասին մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 5150 ՀՀ դրամ,**
նշել 30 կողմ:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

